

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Ara no vei luzir soleill > Tradizione manoscritta > CANZONIERE P > Edizione diplomatica

Edizione diplomatica

Image not found https://letteraturaeuropea.let.uniroma1.it/sites/default/files/P1%2018v-19r.jpg	Bernard ERa non ui luser soleill Tant me sont escurzit li rai Et ges per aizo no mesmai Cuna clartat me soleilla Damor genz al cor me raia E qant altra gent sesmaia Eu meillor enanz qe sordei Per qe mon chant non sordeia Prat me senbla uert e uermeill Issamen com lo te(m)ps de mai Sim ten fin amor coint e gai Nes mes flor blancha e uermeilla Et li uer chalen de maia La genser ela plus gaia Ma mandat qe samor mautrei Senqer nollam desautreia Paor me fan maluais conseil Per qel secle mor e deschai
--	---

Image not found

<https://letteraturaeuropea.let.uniroma1.it/sites/default/files/P2%2018v-19.jpg>

Adoncs sa ioston li saluai

E luns a lautre conseilla

Com se fin amor deschaia

Ai maluasa gent saluaia

Qi uos ne uostre conseilcre

Dame deu prec eldescreia

Da qest me rancur em coreill

Qira men fan dol e esmai

Et pes alor del ioi qeu ai

Et pois chascun sen coreilla

Del autrui ioi e sesmaia

Ja eu meillor drec non aia

Cab sol deport uenz e guerei

A cil qe plus me guerria

Ges mi do(m)pna nos meraueill

Sil qier qem don samor nim bai

Contra la foldat qem retrai

Feraimen grant merueilla

Sela macola ni baia

Ai seria com mi retraia

Ai cal uos ui e cal uos uei

P(er) benena(n)sa qem ueia

Noig e ior pens consire ueill

Planc e sospir ma pois ma pai

Et neguns hom tan mal no(n) trai

Mas un bon respeg mesueilla

Don mon coratge sapaia

Fol soi qar dic qe mal traia

Pois aitan ric amor en uei

Ben uai ab sola lenueia

Fin amor a uos ma pareill

P(er)o non couen ne meschai

Mais qar par uostra merce plai

Deu cuit qe mo apareilla

Caisi fin amor descaia

Mado(m)pna per merce plaia

Caiaz del uostramic merce

Pois aitant ges uos merceia

- letto 545 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1531>